

Cecala

Pambuka

P: Suwawi sami munjuk, Dhuh Allah Rama ingkang mahamirah, kanthi penuh kapitadosan kawula sami ngempal ing dalem mriki. Sampeyan Dalem priksa kaprihatosan brayat punika. Pramila kawula nyuwun wontena dhanganing penggalih Dalem ngatingalaken mahaasih Dalem dhateng kadang kula ingkang sakit punika. Lan kangge kawula, para umat, kaparingana, semangat tresna tuhu dhateng kadang kula ingkang nandhang sakit, jer Gusti Yesus piyambak sampun paring tuladha ing bab punika. Awit inggih Panjenengane ingkang jumeneng Pangeran kawula, sapunika lan ing salami-laminipun.

U: Amin.

Sabda Suci

Berkahan

P: Para kadan kinasih, samangke kita badhe nyuwun berkah mirunggan kangge kadang kita ingkang nandhang gerah punika. Saderengipun mangga ngaturaken panyuwunan kita ing ngarsaning Allah ingkang mahamirah.

Dhuh Gusti, Sampeyan Dalem rawuh lan dados juruwilujeng sukma tuwin badan; paringa waluya jati dhateng murid Dalem punika.

U: Kaampingana ingkang abdi, Dhuh Gusti.

P: Sampeyan Dalem sampun rena sangsara, manggul sadaya sesakit lan kasangsaran; mugi sadaya ingkan nandhang sakit samia dhadhag lan penuh ing pangajeng-ajeng badhe saras.

U: Kaampingana ingkang abdi, Dhuh Gusti.

P: Sampeyan Dalem karsa ngasoraken salira, dados papa sami kaliyan titah Dalem; mugi sadaya kadang ingkang sakit samia pitados bilih sadaya ingkang nandhang prihatos badhe pikantuk panglipur.

U: Kaampingana ingkang abdi, Dhuh Gusti.

P: Sampeyan Dalem karsa manjalma dados titah sekeng, saperlu ngiyataken kawula; wontena dhanganing penggalih ngentasaken kadang kula punika saking panandhang lair lan batos margi gerahipun punika, lan kaparingana kasarasan.

U: Kaampingana ingkang abdi, Dhuh Gusti.

P: Rikala Gusti sengsara gumantung ing salib, keng ibu nenggani kanthi trenyuh; mugi keng ibu ugi ngampingi putra ingkang nandhang gerah punika.

U: Kaampingana ingkang abdi, Dhuh Gusti.

P: Dhuh Gusti ingkang mahasae lan maha welas asih. Kawula nyuwun kanthi ngasih-asih, wontena dhanganing panggalih mberkahi putra Dalem ingkang sakit punika. Mugi pinaringana kiyat badanipun kiyat badanipun lan dhadhag manahipun. Lumuntara sih kasabaran salebetipun kasangsaran punika. Kapulihna kasarasanipun. Keparengan kadang kula punika waluya jati kados wingi uni, lan sesarengan sadaya warganing Pasamuwan Suci saged kempal ing ngarsa Dalem lan caos puji pangalembana dhateng Sampeyan Dalem, ingkang gesang lan mengku keprabon ing salami-laminipun.

U: Amin